



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

§.VII. Quæ agenda in Concilio Provinciali.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

lum Provinciale venire nolentes, hi soli, qui è Conciliis *Aurelian.* *Tolet.* & *Basiliensi* eruuntur, non sunt de numero pro prima Parte *Regulae* allatorum; atqui Canon *Toletanus* eamdem pœnam præcipit, ac allati: Canon verò *Basiliensis* non est ad rem; quia loquitur de his, qui nollent venire ad Concilium Generale, qui Concilium Basileæ convocabatum, aliudque alibi celebrare tentarent, & hic sermo sit de his, qui Provinciali adesse nolunt, nec tentant tamen Concilium Schismaticum celebrare. Canon verò *Aurelianensis* unius tantum pœna, nempe semifbris à Missarum celebrationis suspensionis, meminit.

Dicitur in *Regula*, hac pœna indigitari; quia Canon *Aurelianensis* non exprefse innovatur à Concilio Tridentino; sed inter alios innovatos ab eo, tantum indicatur.

### §. VII.

*Quæ agenda in Concilio Provinciali?*

### REGULA.

Circà agenda in Concilio Provinciali, non alia leguntur in Corpore Juris Canonici, quām quæ sequuntur.

1. Concilium Provinciale, per singulas Provincias, omnia debet administrare, & gubernare. Quod restringendum, tūm ad Causas, qua onnes Provinciæ Episcopos, vel plerosque, vel saltem duos simul tangunt; tūm ad Causas, in quibus, vel Episcopi accusantur, vel ab his appellatur; has enim Causas ad Concilium pertinere ex intrâ notandis patebit, secus de aliis. *C. 9. CAUS. 1X. QUÆST. II. C. 16. CAUS. III. QUÆST. VI.*

2. Omnes Causas Ecclesiasticas ventilare, vel in prima, vel in secunda Instantia examinare, scrutari, discutere potest; sed non orines definire: majorum enim definitio, Sedi Apostolicæ reservatur. *C. 5. 6. 7. CAUS. III. QUÆST. VI.*

3. Quæ correctione & reformatione digna sunt, cum Dei timore tractare debet. *C. 25. de Accus.*

4. Relegendi sunt in eo aliorum Conciliorum Canones Provincie bono necessarii, utilesque; atque, ut serventur, in transgressores pœna est infligenda. *C. 25. de Accus.*

5. Instituenda ab eo, per singulas Diœceses, persona idonea, provida, scilicet, & honesta, qua intrâ tempus ab uno ad aliud Concilium elapsurum, ea, quæ corrigenda & reformatra sunt simpliciter & de plano, absque ulla Jurisdictione, follicite investigent: eaque Concilio deferant. *ibid.*

6. Clericus sive de suo, sive de alio, conqueratur Episcopo, in Concilio Provinciali judicandus est. *C. 46. CAUS. XI. QUÆST. I.*

7. Injustè ab Episcopo excommunicatus, appellare potest ad Concilium Provinciale: quod extendendum ad omnes conquerendi causas, quas Diœcesanus quisque contrâ suum habet Episcopum. *C. 2. 4. 5. 30. 31. CAUS. XI. QUÆST. III.*

8. Episcopus graviter delinquens, à Papa in Concilio Provinciali deponitur. Concilium hanc potestatem habet in Gallia. Si verò ejus culpa non fit depositione digna, ab ipso Concilio punitur. Quæcumque sit Episcopi Causa criminalis, in Concilio tractatur. *C. 10. CAUS. XI. QUÆST. III. C. 23. CAUS. XII. QUÆST. I. CAUS. V. QUÆST. IV. C. 1.*

9. Presbyter & Diaconus deponi non possunt, nisi in Concilio Provinciali, in quo cum Episcopo convenient; sed differunt ab illo, in eo, quod, ad Diaconum deponendum, tres sufficient Episcopi, & ad deponendum Presbyterum, sex: ad depositiōnem vero Episcopi, duodecim Episcopi requirantur; ac Papa autoritas; juxta Disciplinam à falso Decreto talibus inventam; quoad postremum. *C. 15. QUÆST. VII. C. 3. 4. 5. ead. CAUS. & QUÆST. citantur à Cap. 2. de Panis.*

10. Quæstiones inter Episcopos, de Parochiis apud Concilium Provinciale judicandæ sunt. *C. 1. CAUS. 16. QUÆST. III.*

11. In illo, discutiendæ incidentes, circà dogmata, ambiguitates. *C. 36. vel 37. Apostolor. ad calcem Decreti.*

### §. VIII.

*Quid faciendum, circà Concilii Provincialis Decreta?*

Tria tantum in Canone præcepta leguntur circà Concilii Provincialis Decreta.

1. Ut quāprimum publicentur in Synodo Diœcesana, à quolibet Provinciali Episcopo. *Cap. ult. DIST. XVIII. C. 25. de Accusat.*

2. Eorum observationem quilibet Comprovincialis curerit Episcopus. *Eod. C. 25.*

3. Ut puniatur suspensione, qui alterutrum neglexerit. *Eod. C. 25.*

Nota obiter, circà pœnam, in primi præcepti transgressores *C. ult. DIST. XVIII.* citatum bimestrem ferre Excommunicationem, ipso facto incurrandam, quæ Excommunicatione, cùm sit ad determinatum tempus, nunc usitatæ suspensioni non est ab similis.

Cætera scitu necessaria in Corpore Juris omitta, circà Concilia, tam Generalia, quam Particularia, in subsequentibus Observationibus de hujusmodi Conciliis, explicabuntur.

### APPENDIX AD REGULAS CIRCA CONCILIA, in quo de SYNODO DIOCESANA.

Cum *Synodus Diœcesana* condere possit Statuta, semperusa sit hac potestate, eaque etiamnum passim gaudeat, sive tota illa resideat in Præside, sive partim in ceteris Synodi Membris, de quo in Dissertatione, circà hanc Synodum, inferius subjicienda; æquum visum est, ut, quæ Textus Juris Canonici de hoc Cœtu doceant, iis, quæ de Conciliis dicta sunt, subnechterentur, *C. 9. de Major. & Obed.*

### REGULA UNICA.

Circà Synodum Diœcesanam non alia docet Jus Canonicum, quām ista.

1. *SYNODUS ex Græco interpretatur COETUS. C. 1. §. Synodus DIST. XV.*

2. Dicitur *Episcopalis*, quia ab Episcopo convocatur. *C. 25. de Accus.*

3. Synodus Diœcesana celebranda est quotannis, idque tempore congruo, quale est, quod ad aliud majus non deputatur; nec iter agentibus incommodum. *16. de 18. C. 25. de Accus. C. 2. Sess. XXIV. de Ref. C. 24. de Confecrat. DIST. III.*

4. Inter Jura Episcopalia recensetur, coequo loci permiscentur, quæ ad Legem Diœcesanam pertinent, cum spectantibus ad Legem Jurisdictionis: quare hinc inferre fas est, ad quam illarum Legum hoc jus spectet. *C. 16. de Off. Ordin.*

5. Nomine *Synodatici*, duo solidi debentur Episcopo. *ibid.* Apud Gallos, hoc jus ita vocatur, quia in Synodo solvit: abolevit plerisque in locis.

6. Majora Diœcesis negotia in ea tractanda. Unde, in ea publicanda à Conciliis Generalibus Decreta, vel à Conciliis Provincialibus, similibus Statuta; in illa minuendum est Missarum numerus, quando nimius est, ita, ut omnes celebrari nequeant, vel Eleemosyna, ad hoc relicta, non est sufficiens. *C. 16. Sess. XXIII. de Ref. ibid. C. 17. DIST. XVIII. C. 25. de Accus. C. 4. Sess. XXV.*

In illa eligendi Judices, quibus causæ delegentur à Papa, ejusve Legato in partibus committendæ, quique idem esse debent, qui à Sede Apostolica degari valeant. *Eod. Sess. C. 10.*

7. Omnes